

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), a u vezi sa članom 35. stav (2) i članom 52. Zakona o izvršavanju Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25), na prijedlog Ministarstva za prostorno uređenje, promet i komunikacije i zaštitu okoline, Vlada Zeničko-dobojskog kantona, na 119. sjednici, održanoj 27.02.2026. godine, d o n o s i

O D L U K U

o usvajanju Programa utroška sredstava „Tekući transfer za Kantonalnu javnu ustanovu za zaštićena prirodna područja Zeničko-dobojskog kantona“, planiranih u razdjelu 19 - Ministarstvo za prostorno uređenje, promet i komunikacije i zaštitu okoline - Izvor 10 Budžeta Zeničko-dobojskog kantona za 2026. godinu

Član 1.

(Predmet)

Usvaja se Program utroška sredstava u razdjelu 19 – Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, ekonomski kod 614100, pozicija „Tekući transfer za Kantonalnu javnu ustanovu za zaštićena prirodna područja Zeničko-dobojskog kantona – Izvor 10“, Budžeta Zeničko-dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), u ukupnom godišnjem iznosu od 250.000,00 KM (slovima: dvijestotinepedesethiljada konvertibilnih maraka) i čini sastavni dio ove odluke.

Član 2.

(Način realizacije sredstava)

Sredstva planirana ovim programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Zeničko-dobojskog kantona u prethodnom mjesecu, planovima novčanih tokova Budžeta Zeničko-dobojskog kantona, te mjesečnim i kvartalnim operativnim planovima izvršenja Budžeta odobrenim od strane Ministarstva finansija, osim u izuzetnim slučajevima odobrenim posebnim aktima Vlade.

Član 3.

(Realizacija Odluke)

Za realizaciju ove odluke zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

Član 4.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

Broj: 02-11-3900/26

Datum, 27.02.2026. godine

Zenica

PREMIJER

Nezir Pivić

DOSTAVLJENO:

1x Ministarstvo za prostorno uređenje,
promet i komunikacije i zaštitu okoline,

1x Ministarstvo finansija,

1x „Službene novine Zeničko-dobojskog kantona“,

1x a/a.

PROGRAM UTROŠKA SREDSTAVA
„Tekući transfer za Kantonalnu javnu ustanovu za zaštićena prirodna područja
Zeničko-dobojskog kantona“, planirani u razdjelu 19 - Ministarstvo za prostorno
uređenje, promet i komunikacije i zaštitu okoline - Izvor 10
Budžeta Zeničko-dobojskog kantona za 2026. godinu

Član 1.

Svrha programa je da se odobrena sredstva iz Budžeta Zeničko-dobojskog kantona za 2026. godinu („Službene novine Zeničko-dobojskog kantona“ broj: 24/25 i 5/26), sa razdjela 19 - Ministarstvo za prostorno uređenje, promet i komunikacije i zaštitu okoline, budžetska organizacija 01, potrošačka jedinica 0001, ekonomski kod 6141, pozicija „Tekući transfer za Kantonalnu javnu ustanovu za zaštićena prirodna područja Zeničko-dobojskog kantona – Izvor 10“ (subanalitika ZPP001) u ukupnom godišnjem iznosu od 250.000,00 KM, koriste za implementaciju Odluke o osnivanju Javne ustanove za zaštićena prirodna područja, broj: 01-02-19036/25 od 22.10.2025. godine, odnosno utvrđenim sredstvima osigurava se obavljanje poslova iz djelokruga rada Javne ustanove.

Član 2.

Visina sredstava utvrđenih ovim Programom o utrošku sredstava iznosi 250.000,00 KM (slovima: dvijestotinepedesethiljada konvertibilnih maraka).

Član 3.

Izvor sredstava: Budžet Zeničko-dobojskog kantona za 2026. godinu („Službene novine Zeničkodobojskog kantona“ broj: 24/25 i 5/26), razdjel 19, budžetska organizacija 01, potrošačka jedinica 0001 – Ministarstvo za prostorno uređenje, promet i komunikacije i zaštitu okoline, ekonomski kod 6141, pozicija „Tekući transfer za Kantonalnu javnu ustanovu za zaštićena prirodna područja Zeničko-dobojskog kantona – Izvor 10“, kolona „Izdaci iz budžeta – izvor 10“.

Član 4.

Kriteriji utroška sredstava: Po nalogima Ministarstva zasnovanim na potraživanjima sredstava od strane Javne ustanove za zaštićena prirodna područja Zeničko-dobojskog kantona, a u skladu sa Ugovorom. Dinamika utroška sredstava bit će planirana mjesečnim/kvartalnim operativnim planovima.

Član 5.

Kategorija korisnika sredstava: Javnu ustanovu za zaštićena prirodna područja Zeničko-dobojskog kantona, Odlukom o osnivanju Javne ustanove za zaštićena prirodna područja, broj: 01-02-19036/25 od 22.10.2025. godine, osnovala je Skupština Zeničko-dobojskog kantona.

Član 6.

Za realizaciju sredstava po ovom Programu zadužuju se Ministarstvo za prostorno uređenje, promet i komunikacije i zaštitu okoline i Ministarstvo finansija, svako u okviru svojih nadležnosti.

Član 7.

Javna ustanova za zaštićena prirodna područja Zeničko-dobojskog kantona dužna je najmanje jednom godišnje Osnivaču da podnosi Izvještaj o radu i finansijskom poslovanju.

O utrošku sredstava po ovom programu, nakon što o provedenim aktivnostima Javna ustanova nadležnom ministarstvu podnese izvještaj, Ministarstvo za prostorno uređenje, promet i komunikacije i zaštitu okoline, dužno je polugodišnje izvještavati Vladu Zeničko-dobojskog kantona.

Član 8.

Sredstva za implementaciju Odluke o osnivanju Javne ustanove za zaštićena prirodna područja, broj: 01-02-19036/25 od 22.10.2025. godine, utrošiti će se kako slijedi:

Redni broj	Opis	Planirana sredstva/KM
1.	Finansiranje troškova za rad Javne ustanove za zaštićena prirodna područja obuhvata: plate i naknade troškova zaposlenih, doprinose poslodavca, izdatke za materijal i usluge, ugovorene i druge usluge, kao i ostale nespomenute dadžbine i izdatke potrebne za obavljanje poslova iz djelokruga rada Javne ustanove.	249.000,00
2.	Visina osnivačkog uloga za upis u sudski registar utvrđena je članom 8. Odluke o osnivanju Javne ustanove za zaštićena prirodna područja Zeničko-dobojskog kantona, broj: 01-02-19036/25 od 22.10.2025. godine.	1.000,00
	UKUPNO:	250.000,00

Broj: 02-11-3900/26

Datum, 27.02.2026. godine

Zenica

PREMIJER

Nezir Pivić

DOSTAVLJENO:

- 1x Ministarstvo za prostorno uređenje,
promet i komunikacije i zaštitu okoline,
- 1x Ministarstvo finansija,
- 1x „Službene novine Zeničko-dobojskog kantona“,
- 1x a/a.